

63

1. septbr.

REGLUGJÖRÐ

fyrir

bátabryggjuna og bátauppsátrið á Blönduósi.**1. gr.**

Sýslunefnd Austur-Húnavatnssýslu kýs 3 manna nefnd til þess að hafa á hendi alla yfirumsjón með bryggjunni og bátauppsátrinu. Kosning þessi gildir fyrir 3 ár í senn, en á hverju ári skal kosinn 1 maður í nefndina í stað eins, er árlega fer úr henni, sem skal verða eftir hlutkesti 1. og 2. ár. Nefndin kýs sjer formann úr sínum flokki og ræður bryggjuvörð, er má vera utanefndar, og semur um borgun fyrir störf hans. Formaður kallar nefndina á fund, þegar hann álitur þess þörf, eða bryggjuvörður krefst þess. Nefndarmenn fá þóknun fyrir störf sín í þarfir bryggjunnar eftir reikningi, er sýslunefnd úrskurðar.

2. gr.

Bryggjuvörður skal hafa alla umsjón og eftirlit með bryggjunni, bátauppsátrinu, tækjum þeim, er hvorutveggja fylgir, allri notkun og nauðsynlegum aðgerðum; hann skal hegða sjer eftir fyrirmælum reglugjörðar þessarar og skulu allir þeir, er nota bryggjuna, bátauppsátrið, eða tækin, skyldir að hlýða fyrirskipunum hans í því efni.

3. gr.

Bátar hafa rjett til þess að leggjast að bryggjunni og nota tæki hennar til affermingar og hleðslu í þeirri röð, er þeir koma að henni; þó skulu bátar þeir, er flytja póst, hafa rjett til þess að leggjast að henni tafarlaust, til að afhenda póstinn.

4. gr.

Allar skemdir, er bryggjan og áhöld hennar verða fyrir af mannavöldum, skal bæta að fullu af umráðamanni báts þess, er verið er að afgreiða og skemdirnar hljótast af.

5. gr.

Þegar vörur eru fluttar í skip, eða úr, við bryggjuna, er hlutaðeigandum heimilt að láta þær liggja á bryggjunni svo sem pláss leyfir alt að 24 klukkustundir, en hlýða skulu þeir fyrirskipunum bryggjuvarðar, og sjá um, að vörunum sje hagrætt þannig, að ekki tálmi afnotum bryggjunnar eða tækja hennar, og að ekki hvíli of

mikill þungi á hverjum hluta bryggjunnar. Þó er bryggjuverði heimilt, **63**
ef nauðsyn krefur, að krefjast þess, að varan sje flutt strax af bryggju- ^{1. septbr.}
unni, eða láta flytja hana á kostnað eiganda.

Bryggjuvörður getur bannað alla ónauðsynlega umferð um bryggjuna.

6. gr.

Hver, sem notar bryggjuna, tæki hennar eða bátanaustið, skal greiða fyrir það til bryggjusjóðs sem hér segir:

- a. Fyrir að renna bát að bryggjunni, er festi sig aðeins, en hvorki ferming nje afferming fer fram, greiðist: Fyrir venjulegan uppskipunarbát eða minni kr. 1.50, fyrir stærri báta en 5 smálestá kr. 0.25 fyrir hverja smálest, sem fram yfir er.
- b. Fyrir að bátar liggi við bryggjuna 12 klst. eða skemur, án þess þó að ferming eða afferming fram fari, greiðist frá kr. 1.50 eftir stærð bátsins, sbr. a.-lið. Fer það eftir samkomulagi við bryggjuvörð, hvað gjald þetta verður hæst í hvert sinn, eftir því hve lengi báturinn liggur.
- c. Fyrir að skipa upp úr bát eða fram í hann greiðist kr. 2.00.
- d. Fyrir að setja bát upp eða fram greiðist fyrir smábát kr. 1.50, fyrir 4—6 manna far kr. 3.50, fyrir uppskipunarbát af venjulegri stærð kr. 6.00 og fyrir vjelbát kr. 10.00.
- e. Fyrir að geyma bát í naustinu greiðist kr. 1.00 um vikuna; þó á Kaupfjelog Húnvetninga rjett á að geyma þar 2 báta og verslanirnar sunnan Blöndu allar í fjelagi 1 uppskipunarbát án endurgjalds. Auk geymslu þeirra þriggja báta, er nú voru nefndir, hafa sömu aðiljar forgangsrjett fyrir öðrum til þess að geyma þar sinn bátinn hvor, þ. e. K. H. annarsvegar og fjelag verslanna sunnan Blöndu hinsvegar gegn framangreindu endurgjaldi.

Með tilliti til þess, hvað Kaupfjelog Húnvetninga og Sláturfjelog Austur-Húnvetninga hafa lagt til bátauppsátursins og bryggju-tækjanna, skal þeim ekki skylt að greiða nema hálf gjöld fyrir not sín af þeim, miðað við aðra notendur þeirra, og sömuleiðis skulu þau hafa forgangsrjett að bátanaustinu fyrir tvo báta, er þau mega hafa þar gjaldfrjálsa. Fyrir að ferma báta með vörum, sem skipað hefir verið upp á bryggjuna, til þess að flytja þær þaðan sjóveg aftur, skal ekki greiða sjerstakt gjald, ef það ekki tefur fyrir afgreiðslu skipa.

7. gr.

Gjöld þau, er ræðir um í 6. gr. stafl. a.—d. skulu greidd bryggjuverði strax og búið er að afgreiða skip það, er flytur eða tekur vörurnar. Um greiðslu gjalda þeirra, er getur um í sömu grein, stafl. e., fer eftir samningi við bryggjuvörð,

63

1. septbr.

8. gr.

Bryggjuvörður skal hafa á hendi innheimtu á öllum tekjum bryggjunnar og bátauppsátursins; skulu þær lagðar í sjerstakan sjóð, er nefnist Bryggjusjóður, og ávaxtist í Sparisjóði Húnavatnssýslu; hann skal gera reikning yfir tekjur og gjöld Bryggjusjóðsins og senda hann oddvita sýslunefndar Húnavatnssýslu fyrir 31. janúar ár hvert.

9. gr.

Bryggjusjóður skal vera undir umsjón sýslunefndar Austur-Húnavatnssýslu, og skal honum eingöngu varið til umbóta og aðgerðar bryggjunni, tækjum hennar eða bátauppsátrinu.

10. gr.

Brot móti reglugjörð þessari varða sektum alt að 100 kr., og fer um mál út af þeim sem almenn lögreglumál. Sektirnar renna í Bryggjusjóð.

11. gr.

Með reglugjörð þessari er úr gildi feld reglugjörð fyrir báta-bryggjuna og bátauppsátrið á Blönduósi frá 22. sept. 1917, ásamt síðari breytingum á þeirri reglugjörð.

Reglugjörð þessi staðfestist hjermeð samkvæmt lögum nr. 76, 14. nóv. 1917 til að öðlast gildi 1. október 1927 og birtist hjermeð til eftirbreytni öllum, sem hlut eiga að máli.

Atvinnu- og samgöngumálaráðuneytið, 1. sept. 1927.

Tryggvi Þórhallsson.

Vigfús Einarsson.